



Na osnovu članova 25. i 74. Statuta Općine Centar Sarajevo - prečišćen tekst („Službene novine Kantona Sarajevo”, broj 23/04), člana 4. Pravilnika o kriterijima za dodjelu sredstava organizacijama u sportu sa ciljem provođenja javnog interesa Općine Centar Sarajevo u oblasti vrhunskog sporta, broj 13-11-6790/25-1 od 29.12.2025. godine i Odluke o pokretanju postupka raspisivanja i provođenja Javnog poziva, broj: 13-11-6790/25-1 od 30.12.2025. godine, Općinski načelnik objavljuje

Javni poziv za dodjelu sredstava organizacijama u oblasti vrhunskog sporta

I OPIS PROGRAMA

U cilju afirmacije vrhunskog sporta i postizanja vrhunskih rezultata organizacija u sportu koje su registrovane na području općine Centar Sarajevo, ovim programom nastoji se pružiti podrška na način da će se finansirati/sufinansirati njihovi programi/projekti.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

II PRAVO NA DODJELU SREDSTAVA MOGU OSTVARITI:

Organizacije u sportu - klub, sportsko društvo, sportski savez definisani Zakonom o sportu Kantona Sarajevo, koje ispunjavaju uslove navedene u ovom Javnom pozivu, a čiji program/projekat za cilj ima postizanje vrhunskih rezultata u godini u kojoj je Javni poziv raspisan.

Vrhunski sport podrazumijeva aktivnosti koje obuhvataju pripremu i takmičenje s ciljem ostvarivanja vrhunskih sportskih rezultata.

Na Javni poziv se mogu prijaviti organizacije u sportu za odlazak i nastup takmičara/ekipa seniorskog nivoa, na slijedećim takmičenjima:

- a) Olimpijske i paraolimpijske igre;
- b) Svjetska takmičenja;
- c) Evropska takmičenja;
- d) Balkanska/regionalna takmičenjima;
- e) Državna takmičenja.

Na Javni poziv se može prijaviti organizacija u sportu koja prema programu/projektu planira zvaničnu organizaciju evropskog ili svjetskog takmičenja na području Općine.

Pravo učešća na Javnom pozivu nije dopušteno organizacijama u sportu koje, do dana raspisivanja Javnog poziva, nisu u potpunosti izvršile pravdanje utroška za prethodno dodijeljena sredstva iz Budžeta, i koje ne izmiruju redovno obaveze prema pravnim licima čiji je osnivač Općina.

Učešće na Javnom pozivu imaju organizacije u sportu koje ispunjavaju slijedeće uslove:

- a) programski ciljevi usklađeni sa javnim interesom Općine u oblasti sporta;
- b) imaju registrovano sjedište na području Općine;
- c) nemaju dugovanja po osnovu poreza i doprinosa za zaposlene;
- d) aktivan račun u banci;

- e) obezbijeđeni tehnički i ljudski resursi;
- f) član su strukovnog saveza i nemaju dugovanja prema istom;
- g) nastupaju na zvaničnim takmičenjima saveza i ispred saveza na zvaničnim međunarodnim takmičenjima;
- h) nisu bile obuhvaćene suspenzijom najmanje godinu dana do dana objavljivanja Javnog poziva;
- i) da se pripremaju za odlazak i nastup takmičara/ekipa seniorskog nivoa na takmičenja/da učestvuju ili organizuju takmičenja
- j) imaju registrovane članove.

(2) Sadržaj projektnog prijedloga organizacije u sportu treba da sadrži:

- a) Jasno naznačenu ciljnu grupu i rezultate, aktivnosti usmjerene na pripremu i takmičenje sportista s ciljem afirmacije vrhunskog sporta, sa specifikacijom troškova u skladu sa članom 3. Pravilnika;
- b) Opis tradicije Organizacije u sportu - historijat;
- c) Kratak opis Organizacije sa podacima o prethodno realizovanim projektima i kvalifikaciji kadrova koji implementiraju program/projekat (odgovorne osobe, saradnici, volonteri);
- d) Značaj programa/projekta za Općinu;
- e) Vrsta planiranih aktivnosti i mjesto njihovog održavanja;
- f) Planirani metod rada i rezultati;
- g) Predviđeni broj učesnika i njihova starosna dob;
- h) Aktivnosti koje promovišu takmičarski sportski duh i fair play u oblasti sporta;
- i) Informaciju da li se program/projekat kojim se aplicira za finansiranje/sufinansiranje odnosi na pojedinačni (individualni) ili timski (kolektivni) sport.

III TRAJANJE JAVNOG POZIVA

Javni poziv se objavljuje na web stranici Općine, i ostaje otvoren 15 (petnaest) dana od dana objavljivanja.

Zahtjev za ostvarivanje prava podnosi se na propisanom obrascu koji je sastavni dio Javnog poziva, u roku i na način predviđen ovim Javnim pozivom.

IV TROŠKOVI KOJI ĆE SE FINANSIRATI I IZNOS SREDSTAVA

(1) Sredstva za finansiranje/sufinansiranje programa/projekata mogu se koristiti za:

- a) održavanje sportskog terena ili sportskog borilišta (isključuje nabavku mehanizacije);
- b) odlazak na takmičenja sportskih ekipa i pratećeg osoblja (putni troškovi – prijevoz, ishrana, smještaj);
- c) troškove priprema za takmičenja;
- d) troškove administrativnog osoblja i administrativnih usluga;
- e) nabavka sportske opreme čija pojedinačna vrijednost ne prelazi 1.000,00 KM;
- f) ostali troškovi koji su neophodni za rad organizacije u sportu (režijski troškovi i slično).

(2) Od ukupno dodijeljenih sredstava iz Budžeta Općine, 20% se može koristiti za pokrivanje troškova iz stava (1) tačka d).

(3) Od ukupno dodijeljenih sredstava iz Budžeta Općine, maksimalno 10% se može koristiti za pokrivanje troškova iz stava (1) tačka f).

(4) Sredstva za finansiranje/sufinansiranje programa/projekata iz stava (1) ovog člana dodijeljivat će se i za aktivnosti koju su realizovane i provedene prije objavljivanja Javnog poziva, u godini u kojoj je Javni poziv raspisan.

Za ovu namjenu Općina Centar Sarajevo planirala je sredstva u Budžetu Općine Centar za 2025. godinu u ukupnom iznosu od 300.000,00 KM.

Ukupan iznos sredstava za finansiranje/sufinansiranje programa/projekata raspoređuje se prema kategorijama:

- 90.000,00 KM za pojedinačni (individualni) sport, i
- 210.000,00 KM za timski (kolektivni) sport.

Minimalni iznos koji može ostvariti jedna Organizacija u sportu – podnosilac prijave iznosi 1.000,00 KM.

Maksimalni iznos koji može ostvariti jedna Organizacija u sportu – podnosilac prijave iznosi 33% od ukupnog iznosa sredstava utvrđenih za realizaciju Javnog poziva.

V POTREBNA DOKUMENTACIJA:

(1) Podnosioci prijave na Javni poziv trebaju dostaviti slijedeću dokumentaciju:

- Obrazac prijave na Javni poziv sa obrascem projektnog prijedloga, koji će se objavljivati uz tekst Javnog poziva kao zaseban dokument (treba biti ispunjen, potpisan i ovjeren pečatom osobe ovlaštene za zastupanje);
- Aktuelni izvod iz Registra nadležnog organa u kojem je registrovan podnosilac prijave, iz kojeg je vidljivo da ima registrovano sjedište na području Općine;
- Uvjerjenje o izmirenim poreskim obavezama i doprinosima za zaposlene ili sporazum o odgođenom plaćanju ili plaćanju u ratama dužnih javnih prihoda;
- Potvrda iz poslovne banke da račun nije blokiran, iz koje se vidi broj transakcijskog računa;
- Izjava, potpisana i ovjerena kod nadležnog organa, kojom podnosilac prijave potvrđuje:
 - da ima obezbijeđene tehničke uslove i ljudske resurse za realizaciju planirane aktivnosti (potrebno je da sadrži i mjesto održavanja planiranih aktivnosti);
 - broj članova organizacije u sportu;
 - da se priprema za odlazak i nastup takmičara/ekipa seniorskog nivoa na takmičenja;
- Potvrda strukovnog saveza (kantonalni, federalni ili državni), koja treba da sadrži podatke da podnosilac prijave:
 - jeste član saveza;
 - redovno izmiruje obaveze prema savezu;
 - nastupa na zvaničnim takmičenjima saveza i ispred saveza na zvaničnim međunarodnim takmičenjima;
 - nije bio obuhvaćen suspenzijom najmanje godinu dana do dana objavljivanja Javnog poziva;
 - jeste učestvovao i/ili postigao rezultate na takmičenjima u posljednjoj takmičarskoj sezoni, odnosno učestvovao u organizaciji domaćih ili međunarodnih takmičenja u tekućoj godini ili Izjava na vlastitom memorandumu da podnosilac prijave nije učestvovao na takmičenjima, odnosno u organizaciji domaćih ili međunarodnih takmičenja (potpisana i ovjerena pečatom osobe ovlaštene za zastupanje).

(2) Dokumentacija iz ovog člana podnosi se u originalu ili ovjerenoj kopiji ne starijoj od 6 mjeseci od dana raspisivanja Javnog poziva.

VI BODOVANJE

(1) Bodovanje kriterija će se vršiti na osnovu dostavljenog Obrasca prijave na Javni poziv i dokumentacije iz priloga istog.

(2) Bodovanje programa/projekata će se vršiti samo na prijavama koje zadovolje uslove iz tačke II ovog Javnog poziva, prema slijedećim kriterijima:

a) Organizacija u sportu prema programu/projektu planira pripreme za nastup/učešće:

KATEGORIJA TAKMIČENJA	INDIVIDUALNI SPORT	EKIPNI SPORT
Olimpijske i paraolimpijske igre	10	10
Svjetska takmičenja	8	8
Evropska takmičenja	6	6
Balkanska/ regionalna takmičenja	4	4
Državna takmičenja	2	2

- Navodi se na Izjavi podnosioca prijave, koja mora biti potpisana i ovjerena kod nadležnog organa
- Odnosi se na nastup/učešće takmičara/ekipa seniorskog nivoa

b) Organizacija u sportu ostvarila rezultat u prethodnoj takmičarskoj sezoni:

KATEGORIJA TAKMIČENJA	INDIVIDUALNI SPORT			EKIPNI SPORT		
	3 mjesto	2 mjesto	1 mjesto	3 mjesto	2 mjesto	1 mjesto
Olimpijske i paraolimpijske igre	10	15	20	10	15	20

Svjetska takmičenja	8	9	10	8	9	10
Evropska takmičenja	6	7	8	6	7	8
Balkanska/ regionalna takmičenja	4	5	6	4	5	6
Državna takmičenja	2	3	4	2	3	4

- Rezultat potvrđuje strukovni savez (kantonalni, federalni ili državni), potvrdom koja ne može biti starija od tri mjeseca od dana objavljivanja Javnog poziva, original ili ovjerena kopija
- Odnosi se na rezultat takmičara/ekipa seniorskog nivoa
- Ukoliko je organizacija u sportu u ukupnom poretku, na međunarodnom prvenstvu, ostvarila rezultat od četvrtog do desetog mjesta tabele - 1 bod
- Postigla rezultat, kojim je postavila državni rekord - 10 bodova

c) Organizacija u sportu ostvarila plasman na takmičenje:

KATEGORIJA TAKMIČENJA	INDIVIDUALNI SPORT	EKIPNI SPORT
Olimpijske i paraolimpijske igre	30	30
Svjetska takmičenja	25	25
Evropska takmičenja	20	20
Balkanska/ regionalna takmičenja	15	15
Državna takmičenja	10	10

- Plasman potvrđuje strukovni savez (kantonalni, federalni ili državni), potvrdom koja ne može biti starija od tri mjeseca od dana objavljivanja Javnog poziva, original ili ovjerena kopija
- Odnosi se na plasman takmičara/ekipa seniorskog nivoa
- Ukoliko je organizacija u sportu učestvovala u kvalifikacijama za takmičenja i nije ostvarila plasman, broj bodova se umanjuje za 50% bodova određenih gore navedenom tabelom.

d) Organizacija u sportu prema programu/projektu planira zvaničnu organizaciju takmičenja na području Općine:

KATEGORIJA TAKMIČENJA	INDIVIDUALNI SPORT	EKIPNI SPORT
Olimpijske i paraolimpijske igre	30	30
Svjetska takmičenja	25	25
Evropska takmičenja	20	20
Balkanska/ regionalna takmičenja	10	10
Državna takmičenja	5	5

- Navodi se na Obrascu prijave na Javni poziv - obrascu projektnog prijedloga

e) Tradicija kluba:

HISTORIJA ORGANIZACIJE	INDIVIDUALNI SPORT	EKIPNI SPORT
Duža od 5 godina	1	1
Duža od 15 godina	3	3
Duža od 25 godina	5	5
Duža od 50 godina	20	20

- Navodi se na Obrascu prijave na Javni poziv - obrascu projektnog prijedloga

f) Broj aktivnih članova organizacije u sportu:

BROJ ČLANOVA	INDIVIDUALNI SPORT	EKIPNI SPORT
Do 10	5	5
Od 11 - 100	10	10
101-500	15	15
501+	20	20

- Navodi se na Izjavi podnosioca prijave, koja mora biti potpisana i ovjerena kod nadležnog organa

(4) Ukoliko je organizacija u sportu ostvarila više rezultata, bodovi će se zbrajati.

(5) Ukupan iznos raspoloživih budžetskih sredstava dijeli se proporcionalno broju ostvarenih bodova i to prema sljedećoj formuli: $\text{Dodijeljena sredstva} = \text{Broj osvojenih bodova} \times \text{raspoloživa budžetska sredstva} / \text{ukupan broj bodova svih prijava}$.

VII NAČIN DODJELE NOVČANIH SREDSTAVA

Prijave na Javni poziv razmatra Komisija za ocjenu i odabir projekata koju imenuje Općinski načelnik. Komisija će izvršiti, u skladu sa Javnim pozivom, analizu, obradu i vrednovanje kriterija prema zaprimljenim prijavama i predložiti iznos za dodjeljivanje sredstava, samo ukoliko su zadovoljeni uslovi Javnog poziva. Prijave kandidata koje ne ispunjavaju uslove navedene iz Javnog poziva, neće biti uzete u razmatranje.

Nakon analize, obrade i vrednovanja pristiglih prijava, Komisija sačinjava Preliminarnu listu potpuno analiziranih pristiglih prijava, koja sadrži:

a) Preliminarnu rang listu organizacija u sportu koje ispunjavaju sve uslove iz Javnog poziva, sa utvrđenim brojem ostvarenih bodova ;

b) Listu organizacija u sportu koje ne ispunjavaju uslove iz Javnog poziva.

Preliminarnu listu potpuno analiziranih pristiglih prijava objavljuje na službenoj web stranici Općine.

Organizacija u sportu – podnosilac prijave može podnijeti prigovor lično na protokol ili putem pošte na adresu Općina Centar Sarajevo u roku od sedam (7) dana od dana objavljivanja Preliminarne liste potpuno analiziranih pristiglih prijava, i to na listu na kojoj se nalazi. Pristigle prigovore će razmatrati Komisija za razmatranje prigovora, koja će u roku od tri (3) dana od dana ulaganja prigovora odlučiti o istom.

Nakon usvajanja Odluke o dodjeli sredstava, Općinski načelnik će sa korisnicima budžetskih sredstava sklopiti ugovore kojima će se detaljno odrediti prava i obaveze ugovornih strana.

Svaki član Komisije dužan je potpisati Izjavu o nepristranosti i povjerljivosti. Svaki član Komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave. Svako lice koje posjeduje dokaze o sukobu interesa između člana Komisije i podnosioca prijave na Javni poziv može iste dostavi u pismenoj formi Općini Centar Sarajevo.

VIII NAČIN PODNOŠENJA ZAHTJEVA

Prijave na Javni poziv podnose se lično na protokol ili putem preporučene pošte na adresu Općina Centar Sarajevo, Služba za obrazovanje, društvene djelatnosti, kulturu i sport, Mis Irbina 1, 71000 Sarajevo, u zatvorenoj koverti sa naznakom punog naziva Javnog poziva za koji se prijavljuje – „Javni poziv za dodjelu sredstava za oblast vrhunskog sporta na području općine Centar Sarajevo – NE OTVARATI“.

Obrazac prijave na Javni poziv se smatra sastavnom dokumentacijom Javnog poziva, te prijave na Javni poziv neće biti uzete u razmatranje i dalju analizu bez adekvatno popunjenog obrasca.

Obrazac prijave na Javni poziv će se nalaziti uz tekst Javnog poziva, na službenoj stranici Općine Centar Sarajevo (www.centar.ba), a koji će zainteresovani preuzeti, isprintati, potpisati i ovjeriti pečatom od strane ovlaštenog lica za zastupanje.

Sve stranice, kao i početnu stranicu Obrasca za prijavu na Javni poziv je potrebno numerisati i ovjeriti pečatom Organizacije u sportu.

Redni broj stranice originalnog ili ovjerenog dokumenta koji se prilažu uz Obrazac moguće je i ručno navesti i ovjeriti pečatom Organizacije u sportu.

Sva potrebna dokumentacija kojom se dokazuje ispunjenje kriterija za finasiranje/sufinansiranje programa, projekata mora biti originalna ili ovjerena kopija, odnosno ukoliko drugačije nije navedeno Javnim pozivom.

Neblagovremene i nepotpune prijave neće biti uzeti u razmatranje.

Organizacije u sportu koje se prijavljuju na Javni poziv mogu aplicirati samo sa jednim programom/projektom.

Za sve dodatne informacije korisnici mogu pozvati broj telefona 033/562-360 ili poslati upit na mail: sport@centar.ba

Javni poziv se objavljuje na web stranici Općine Centar Sarajevo i ostaje otvoren 15 (petnaest) dana od dana objavljivanja.



Broj: 13-11-6790/25-1
Sarajevo, 31.12.2025. godine